

Guangjisi Minzcu Bau

ganhhau: CN45-0036 B.2013 Nd.3 Ng.20 liggaeuq gveiqceih nienz ndwenngaih cogouj

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3065期

Cibngeih Gaiq Daengx Guek Yinzda Daih'it Baez Vei yi Haisat 十二届全国人大一次会议闭幕

Cunghvaz Yinzminz Gunghozgoz Daihcibngeih Gaiq Daengx Guek Yinzda Daih'it Baez Vei yi, guhsat gak hangh yicwngz, senj ok bouxlingjdauj gaiq guekgia gihgou moq, liuxle 17 hauh banhaet youq Yinzminz Daveidangz cingqsik haisat.

Guekgia cujsiz Siz Ginbingz youq gwnz hoih bimuvei guh le cungyau gangjavah. De giengzdih, saedyienh aen muzbyauh cienzmienh laebbaenz siujangh sevei, laebbaenz aen seveicuiji yendaiva guekgia fouqgiengz minzcuj vwnzmingz huzndei haenx, saedyienh aen naemjsiengj Cunghvaz minzcuz caiq hwnghoengh hwnjdaej, couhwdg yaek saedyienh guekgia fouqgiengz,

minzcuz hwnghuengh, vnzlai vuen-yungz. Youq ndaw seizdaih cauzliuz mboujduenh baenaj, vnzlai maq-muengh gvaq saedceij engq ndei, raeuz mbouj ndaej gag ndaengmoj, mbouj ndaej gag soengse, yaek engqgia haenqrengz, baenaj mbouj dingz, laebdaeb dawz gij saehnieb Cunghgoz Daegsaek Seveicuiji doi baenaj, laebdaeb haenqrengz vih saedyienh aen muzbyauh hawj Cunghvaz minzcuz caiq hwnghoengh hwnjdaej.

Baez hoih neix ginggvaq byauj-gez, doenggvaq aen gezyi gvendaengz cwngfuj gunghcoz baugau, baecinj le cwngfuj gunghcoz baugau. Aen gezyi neix naeuz, vei yi aeu gij vah gig ndei

bingzgangj le gij cingzcek gvendaengz gaijgwz hailangh nem sevei cuji yendaiva gensez guek raeuz youq 5 bi gonq aeundaej haenx, cungfaen haengjdingh gij hong Gozvuyen 5 bi gonq guh haenx, doengzeiq gij cungjdij iugouz nem muzbyauh yinvu gvendaengz 2013 nienz ginghci sevei fazcanj youq ndaw baugau daezok haenx. Vei yi nyinhnaeuz, gij genyi gvendaengz bineix cwngfuj gunghcoz youq baugau daezok haenx, cungfaen yienh'ok Dangj Cibbet Daih Cing-saenz, haemq saedcaeq ndaej saedyienh.

Vei yi vanzlij byaujgez doeng-gvaq, baecinj le mizgven gezyi, baugau. (Ciuq Sinhvaezse)

SIUSIK DINJ

简讯

● Bi' gvaq, Ningzmingz Yen haeujlaeg gaihcanj vwnzva roengz mbanj nem haeuj segih hozdung, cujciz "Valangh Vwnzyidui", "Ginhvaz Yisuzdonz", "Sinningz Segih Caijdiudonz" daengj 10 lai aen yezyiz yisuzdonz roengz yangh, mbanj yienjok gungh 41 ciengzbaez, gij yienjok neix bouxyawj miz 39000 vunzbaez, senhconz yaugoj yienhda.

(Cauh Yizganh Ganh Yingj)

● Bi' gvaq, Yungzsuij Myauz-cuz Swciyen ciepdaih hekyouz 134.1 fanh vunzbaez, doengzbeij dem hwnj 11.2%, saedyienh lijyouz cungisouhaeuj 5.22 ik maenz, doengzbeij demhwnj 26.7%.

(Liu Swjyenh)

● Bi' gvaq, Nanzdanh Yen Cunghbauj Myauzcuz Yangh gungh miz 159 ranz ndaem ien, bingzyaenz moix hoh ndaem 15.9 moux, moix hoh souhaeuj 38788 maenz.

(Fuz Lungzyangz)

● Ciuq gyoepsuenq, bi' gvaq Bingzgoj Yen lwgmak dajndaem menciz 8.1 fanh moux, cungj-canjlieng 3.47 fanh dun; laj faex ciengx gaeq ndaej gai 2030.6 fanh duz; daengx yienh nungzyez cungjancjiz miz 21.15 ik maenz, demhwnj 7.1%, nungzminz bingz-yaenz moix boux souhaeuj 6142 maenz, demhwnj 34.2%.

(Vuz Anhginh)

● Daj bi' gvaq daej, Denhdwngj Yen ginzcong daihlig fazcanj noucuk dajciengx, doenghgi hoh dajciengx noucuk souhaeuj haemq lai. Daengz dangqnaj, aen yienh neix gaenq miz gyawj 30 hoh dajciengx noucuk, ranz ciengx ceiq lai haenx ciengx miz 1000 lai duz, ciengx noucuk baenz aen yienh neix cungj dajciengx moq nungzhoh gyaemaij haenx.

(Luz Linzhuj)

Ginhsiu: Dahsau Yauzcuz Nyaengq Mbaet Caz

金秀:瑶家姑娘采茶忙



Moix bi 3 nyied cingq dwg fawh mbaet caz, youq Ginhsiu Yauzcuz Swciyen Cungh-liengz Yangh, Dacangh Yangh daengj yangh (cin), ndaw suencaz dau-cawq cungj raen gocaz heuswdswd, dahsau riuj lamz angq mbaet mbawcaz oi. Ndaw doz dwg dahsau Yauzcuz cingq youq Ginhsiu Yauzcuz Swciyen Cungh-liengz Yangh gwnz Byagujlanzsanh doq eu fwen doq mbaet mbawcaz.

(Dwng Sauyingh ingj)

Denhdwngj: 6569.03 Fanh Cienz Sinh Nungz-hoz Hawj 32 Fanh Minzcuz Ginzcong Souh'ik

天等: 6569.03 万新农合资金让 32 万民族群众受益

Geij ngoenz gonq, gicej daj Denhdwngj Yen Veiswngghiz ndawde ndaej siusik, bi' gvaq aen yienh neix gungh yungh bae cienz sinh nungzhoh 6569.03 fanh maenz, 325567 vnz souh'ik.

Gaen bi daej, aen yienh neix mboujduenh caezcienz sinh nungzhoh gunghcoz cidu, cungfaen fazveih cunhyih, cunghan cozyung, nyinh-

caen gaihcanj senhconz fatdoengh nem guh hong soucomz sinh nungzhoh gihginh, bi' gvaq, aen yienh neix gungh soucomz ndaej sinh nungzhoh gihginh 1644.11 fanh maenz. Vih lozsiz ndei sinh nungzhoh aen cwngcwz hawj vnzlai souh'ik neix, aen yienh neix nyinhcaen lozsiz gij cienzngaenz cienhangh boiqdauq haenx, ndawde cienzngaenz

cunghyangh bangbouj 5129.62 fanh maenz, swcigih 2137.34 fanh maenz, yienh gaep caizcwnz boiqdauq bangbouj 624.7618 fanh maenz, vnzlai comz ndaej 1644.11 fanh maenz, cienzngaenz nungzhoh cienzbouh sou haeuj canghu cienmonz, cienmonz miz vnz guenjieix.

(Vangz Lilanz)